



## ქალაქ ფოთის მუნიციპალიტეტის საკრებულო

### განკარგულება № 7/32

2021 წლის 28 იანვარი

#### ქალაქი ფოთი

ქალაქ ფოთის მუნიციპალიტეტის საკრებულოში წარდგენილი 2021 წლის 28 აპრილის პეტიციის - ქალაქ ფოთის მუნიციპალიტეტში, ხობის ქუჩაზე მდებარე სკვერში, საბავშვო მოედნისა და სკვერის მოწყობის (მომხსენებელი: გოჩა ფირცხალავა, მცხოვრები: ქალაქ ფოთის მუნიციპალიტეტი, გრიგოლ ცხადაის ქუჩა №15-ში) შესახებ

ქალაქ ფოთის მუნიციპალიტეტის საკრებულოს 2021 წლის 28 აპრილს წარედგინა ელექტრონული პეტიცია ვებგვერდის <http://petition.lsg.ge/poti/> მეშვეობით.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული რეგლამენტის 119-ე მუხლის მე-12, მე-13, მე-14 პუნქტების შესაბამისად, პეტიციის ტექსტის მოქმედ კანომდებლობასთან და ხელმოწერების დადგენილ მინიმალურ რაოდენობასთან შესაბამისობაზე პასუხისმგებელია მომხსენებელი. პეტიციის ელექტრონულ ფოსტაზე მიღებიდან 3 სამუშაო დღის ვადაში საკრებულოს აპარატი იწყებს საკრებულოს რეგლამენტით დადგენილი წესით პეტიციის რეგისტრაციას.

პეტიცია და პეტიციაზე ხელმოწერათა რაოდენობა შესაბამება საქართველოს კანონმდებლობით დადგენილ მოთხოვნებს. ამდენად, პეტიცია დარეგისტრირდა საკრებულოს აპარატში.

2021 წლის 28 აპრილის ელექტრონული პეტიციით მოქალაქეები ითხოვენ ქალაქ ფოთის მუნიციპალიტეტში, ხობის ქუჩაზე მდებარე სკვერში, საბავშვო მოედნისა და სკვერის მოწყობს.

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „უ“ ქვეპუნქტის შესაბამისად, მუნიციპალიტეტის საკუთარი უფლებამოსილებაა ბავშვებისთვის სათანადო ინფრასტრუქტურის განვითარება,

ამდენად, ზემოხსენებულ საკითხზე ქალაქ ფოთის მუნიციპალიტეტის საკრებულო უფლებამოსილია მიიღოს გადაწყვეტილება.

საქართველოს ზოგადი ადმინისტრაციული კოდექსის 96-ე მუხლის პირველი ნაწილის შესაბამისად, ადმინისტრაციული ორგანო ვალდებულია ადმინისტრაციული წარმოებისას გამოიკვლიოს საქმისათვის მნიშვნელობის მქონე ყველა გარემოება და გადაწყვეტილება მიიღოს ამ გარემოებათა შეფასებისა და ურთიერთშეჯარების საფუძველზე.

პეტიციის ინიციატორების მიერ მითითებული ტერიტორია არ იძლევა საშუალებას სრულყოფილად მოეწყოს საბავშვო მოედანი. ამდენად, ზემოხსენებული საკითხი შესწავლილ უნდა იქნას არსებითად, ადმინისტრაციული წარმოებისას გამოკვლეულ უნდა იქნეს საქმისათვის მნიშვნელობის მქონე ყველა გარემოება, გადაწყვეტილება მიღებულ უნდა იქნეს ამ გარემოებათა შეფასების, ურთიერთშეჯარების, საჯარო განხილვებისა და მოსახლეობასთან კონსულტაციის საფუძველზე.

## აღნიშნულიდან გამომდინარე:

### მუხლი 1.

1.ქალაქ ფოთის მუნიციპალიტეტის საკრებულოში წარდგენილი 2021 წლის 28 აპრილის პეტიცია (მომხსენებელი: გოჩა ფირცხალავა, მცხოვრები: ქალაქ ფოთის მუნიციპალიტეტი, გრიგოლ ცხადაიას ქუჩა №15-ში) დაკმაყოფილდეს ნაწილობრივ, კერძოდ: ქალაქ ფოთის მუნიციპალიტეტის მერმა, მერიამ შესაბამისი სპეციალისტების მონაწილეობით, საჯარო განხილვების, მოსახლეობასთან კონსულტაციის საფუძველზე, შეარჩიოს ქალაქ ფოთის მუნიციპალიტეტში, ხობის ქუჩაზე მდებარე სკვერის არეალში, საბავშვო მოედნისა და სკვერის მოწყობასთან დაკავშირებული ადგილი და განახორციელოს ქმედითი ღონისძიებები ზემოხსენებული პროექტის განხორციელების მიზნით.

2.ქალაქ ფოთის მუნიციპალიტეტის მერმა, მერიამ აღნიშნული განკარგულების შესრულებასთან დაკავშირებით გაატაროს შესაბამისი ღონისძიებები.

3. ქალაქ ფოთის მუნიციპალიტეტის მერმა (გოჩა კურდღელია) აღნიშნული განკარგულების შესრულებასთან დაკავშირებით გამოყოს პასუხისმგებელი პირი/პირები და პერიოდულად საკრებულოს წარუდგინოს ინფორმაცია გატარებული ღონისძიებების შესახებ.

4.აღნიშნული განკარგულების შესრულების კონტროლი დაევალოს ქალაქ ფოთის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის კომისიას, საკრებულოს ქონების მართვისა და ბუნებრივი რესურსების საკითხების კომისიას.

### მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

### მუხლი 3.

განკარგულება ძალაშია 2021 წლის 28 მაისიდან.

საკრებულოს თავმჯდომარე



ბეჭა ვაჭარაძე